



Inatsisartuni ilaasortaq Poul Hansen  
Demokraatit

## **Angajoqqaat sulingiffeqartarnerisa sivitsorneqarnissaanut tunngatillugu § 37 naapertorlugu apeqqutip nr. 216-ip -2016 akineqarnera**

Qujanaq apeqqutinngorlugit nassiunneqarsimasunut.

### **1. Naalakkersuisut maannakkumut meerartaarnermi sulingiffigineqartartut anaanaasumut (sap Ak 15-nit), ataataasumut (sap Ak 3-nit) aammalu angajoqqaanngortunut sulingiffeqarfiit (sap Ak 17-nit avitassat) qanoq isumaqarfigaat?**

Naalakkersuisut isumaqarput ilaqutariit meerartallit atugarisamikkut pitsaasunik atugassaqartinneqartariaqartut. Tamannalu pissutigalugu pingaaruteqarpoq ilaqutariit meerartallit pisariaqartitaat sianigissallugit, pingaartumillu inunngortoqarneranut sulingiffeqartoqarneranullu tunngatillugu. Naalakkersuisut isumaqarput, tamanna arnaasup inunngortoqarnera sioqqullugu sapaatit akunnerini 2-ni, inunngortoqarneratalu kingorna sapaatit akunnerini 15-ini, ataataasullu inunngortoqarnerata kingorna sapaatit akunneri siulliit 15-it ingerlaneranni sapaatit akunnerini 3-ni sulingiffeqarsinnaanerisigut eqqortinneqarpoq.

Tamatuma saniatigut angajoqqaat avillugu sapaatit akunnerini 17-ini sulingiffeqarsinnaatitaapput.

Aalajangersakkat massakut atorneqartut Naartunermi, erninermi meeravissartaarnermilu sulingiffeqartarneq ullormusiaqartarnerlu pillugit Inatsisartut inatsisaat nr. 14, 17. december 2009-meersutigut aalajangersagaapput.

### **2. Qanoq aningaasartuutit isikkoqassappat angajoqqaanngortunut sulingiffigititaq sivitsorniaaraanni? Uani Skema atorlugu takussutissianngorlugu piumaneqarpoq, angajoqqaanngortut sulingiffeqarfii qanoq akeqassanersut sapaatit akunnerinut ukunanut sivilissusilerniaaraanni: 1, 2, 3, 4, 5, 6, 7, 8, 9, 10, 11, 12, 13 aammalu 14-nut.**

Angajoqqaat sulingiffeqartarnerat sivitsorlugu aningaasartuutit naatsorsorniarneqarpata pingaarnertigut pisariaqarpoq angajoqqaat qassit erninermi sulingiffeqarnermilu aningaasarsianik tunineqassanersut ilisimassallugu. Tamatuma saniatigut angajoqqaat sulingiffeqarniarpata sulingiffeqarnissamik atuissanersut apeqqutinngortussaavoq, tamatumanilu ilaavoq angutaasoq arnaasorluunniit sulingiffeqarnissamik ilumut atuerusussanersut.

30-08-2016  
Sagsnr.  
Akt ID. Nr. 3460496

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: [lian@nanoq.gl](mailto:lian@nanoq.gl)  
[www.naalakkersuisut.gl](http://www.naalakkersuisut.gl)

Angajoqqaat qanoq amerlatigisut sulinggifteqarnerup nalaani akissarsiaqartinneqartut pillugit paasissutissanik peqartoqanngilaq, taamaammallu kisitsisit tullinnguuttut taamaallaat angutaasup arnaasulluunniit ullormusianik tigusaqarsimanerannut tunnganerupput.

2015-imi katillugit 854-it inunngorsimapput, taakkunanilu angutaasooq arnaasorluunniit ullormusiaqartinneqarsimavoq. Katillugit angutit 218-it arnallu 853-it 2015-imi ullormusiaqartinneqarsimapput.

2015-imi inunngortut amerlassusaat tunngavigalugit angajoqqaat sulinggifteqartarnerat sivitsorneqarpat makku aningaasartuutinngortussatut naatsorsorneqarput:

Sapaatit akunnerisa amerlassusaat	Aningaasartuutit
1	3.077.474
2	6.154.949
3	9.232.423
4	12.309.898
5	15.387.372
6	18.464.846
7	21.542.321
8	24.619.795
9	27.697.270
10	30.774.744
11	33.852.218
12	36.929.693
13	40.007.167
14	43.084.642

Naatsorsuinerlu ima isikkoqalerpoq: inunngortut 854-it x SIK-mi akissarsiat minnerpaaffiat 90,01 kr.-usut x 40 tiimit sapaatip akunneranut.

Aningaasartuutit 90 %-ii Nunatta Karsianit 10 %-illu kommuninit akilerneqassapput.

### 3. Naalakkersuisut pineqartumut allanik paasissutissiisinnaanerlutik?

Naalakkersuisut erninermusiaqartitsineq eqaannerusumik ingerlanneqarsinnaammat arajutsisimangilaat. Naalakkersuisulli ilaqutariinnut meerartalinnut atugarliortunut tunngatillugu ilaqutariinnut meerartalinnut politikki pingaartitaraat, massakkullu Naartunermi, erninermi meeravissiaartaarnermilu sulinggifteqartarneq ullormusiaqartarnerlu pillugit inatsisit allanngortinniarlugit pilersaaruteqaratik.

Inuissiarnersumik inuulluaqqusillunga

Med venlig hilsen

Martha Lund Olsen